

Møteprotokoll

Utvalg: Nasjonalparkstyret for Jotunheimen og Utladalen
Møtestad: Thon Hotel Opera, Oslo
Dato: 11.12.2014
Tidspunkt: 09:00 – 15.00

Følgjande faste medlemmer møtte:

Namn	Funksjon	Representerer
Mai Bakken	Leiar	Lom
Ivar Kvalen	Nestleiar	Luster
Aud Irene Hamre Rogn		Vang
Aleksander Øren Heen		Sogn og Fjordane f.k.

Følgjande medlemmer hadde meldt forfall:

Namn	Funksjon	Representerer
Vidar Eltun	Medlem	
Arild Ingar Lægreid	Medlem	
Jørاند Ødegaard Lunde	Medlem	
Frida Melvær	Medlem	
Iselin Jonassen	Medlem	

Følgjande varamedlemmer møtte:

Namn	Møtte for	Representerer
Aleksander Øren Heen	Frida Melvær	
Aud Irene Hamre Rogn	Vidar Eltun	

Merknader

Møtet starta med ein presentasjon av oppdraget om moglegheitsstudie for innfallsport v/ Asplan Viak, jf. vedtak sak 41/14. Seniorrådgjevar Gaute Sønstebø frå Miljødirektoratet til stades på presentasjonen og første del av styremøtet.

Frå administrasjonen møtte:

Namn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar
Rigmor Solem	Statens naturoppsyn

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Mai Bakken
(sign.)

Ivar Kvalen
(sign.)

Aud Iren Hamre Rogn
(sign.)

Aleksander Øren Heen
(sign.)

Saksliste

Utvalgs- saksnr	Innhold	Lukket	Arkiv- saksnr
ST 44/2014	Godkjenning av protokoll/innkalling		
ST 45/2014	Referatsaker		
RS	Rapport naturrettleiing Jotunheimen sommaren 2014		2014/523
RS	Delegering av myndighet etter naturmangfoldloven § 62 andre ledd tredje punktum fra Miljøverndepartementet til Miljødirektoratet vedrørende fastsettesle av vedtekter m.m.		2014/5771
RS	Valg av medlemmer i tilsynsutvalget for Utladalen landskapsvernområde og Jotunheimen nasjonalpark 2014-2015		2014/523
RS	Supplerende tildelingsbrev på miljøområdet - Jotunheimen som pilot besøksforvaltning		2014/712
RS	Bru Blåtjønnåe		2014/3043
RS	Brenning av avfall - Jotunheimen nasjonalpark	X	2014/5756
ST 46/2014	Nasjonalparkstyret for Jotunheimen og Utladalen - Pilot for besøksforvaltning - Innfallsport frå Fv 55 over Sognefjellet		2014/712
ST 47/2014	Nasjonalparkstyret for Jotunheimen og Utladalen - Bestillingsdialog med Statens naturoppsyn 2015 - Søknad om tiltak		2014/7494
ST 48/2014	Jotunheimen nasjonalpark - Dispensasjon - Motorferdsel 2015 - Landing med helikopter på Galdhøpiggen - Bergen Styrkeløftklubb		2014/8194
ST 49/2014	Jotunheimen nasjonalpark og Utladalen landskapsvernområde - Prinsippsak - Utplassering av båtar og oppbevaringskasser for fiskeutstyr innan verneområda		2014/2821
ST 50/2014	Jotunheimen nasjonalpark - Dispensasjon - Motorferdsel - 2014 - Utplassering av båt og oppbevaringskasse for fiskegarn ved Hinnotetjønne - Kjell Kleiven - Ny behandling		2014/2381
ST 51/2014	Jotunheimen nasjonalpark - Revisjon av arealdelen av kommuneplanen for Luster kommune - uttale til høyring		2014/8269
ST 52/2014	Eventuelt		

ST 44/2014 Godkjenning av protokoll/innkalling

Saksprotokoll i Nasjonalparkstyret for Jotunheimen og Utladalen - 11.12.2014

Vedtak

Ingen merknader til saksliste og innkalling.

Protokoll frå førre møtet godkjent.

ST 45/2014 Referatsaker

Saksprotokoll i Nasjonalparkstyret for Jotunheimen og Utladalen - 11.12.2014

Ei av referatsakene var unnateke offentlegheit. Styret fekk oppdatering på status.

Vedtak

Referatsakene vart tekne til orientering.

Rapport naturrettleiing Jotunheimen sommaren 2014	2014/523
Delegering av myndighet etter naturmangfoldloven § 62 andre ledd tredje punktum fra Miljøverndepartementet til Miljødirektoratet vedrørende fastsettesle av vedtekter m.m.	2014/5771
Valg av medlemmer i tilsynsutvalget for Utladalen landskapsvernområde og Jotunheimen nasjonalpark 2014-2015	2014/523
Supplerende tildelingsbrev på miljøområdet - Jotunheimen som pilot besøksforvaltning	2014/712
Bru Blåtjønnåe	2014/3043
Brenning av avfall - Jotunheimen nasjonalpark	2014/5756

ST 46/2014 Nasjonalparkstyret for Jotunheimen og Utladalen - Pilot for besøksforvaltning - Innfallsport frå Fv 55 over Sognefjellet

Saksprotokoll i Nasjonalparkstyret for Jotunheimen og Utladalen - 11.12.2014

Presentasjonen frå Asplan Viak som innleia møtet er eit sentralt element i saka. Moglegheitsstudien frå Asplan Viak rangerer innfallsportane slik

- 1) Sognefjellshytta
- 2) Turtagrø
- 3) Krossbu

Nærare grunngjeving går fram av den framlagde rapporten.

Eit eventuelt val av Turtagrø føreset at villreinnemnda vert involvert. Uttalen frå dei ligg enno ikkje føre.

Vedtak

Nasjonalparkstyret sluttar seg til tilrådinga i moglegheitsstudien, og vel Sognefjellshytta som lokalisering for tilrettelegging av pilot-innfallsport.

Denne lokaliteten svarar godt på utfordringa om å auke verdiskapinga rundt heile området, og det må leggjast til rette for å synleggjera også dei andre innfallsportane ut frå dette blikkfanget på toppen. Lokaliteten kjem ikkje i konflikt med villreininteressene, og gjev god heilskap saman med den tilrettelegginga som kjem ved Gjendeosen og innfallsporten ein har ved Utladalen Naturhus.

Nasjonalparkstyret ønskjer å få utført besøksregistrering før og etter tilrettelegginga på lokaliteten som blir vald som pilot. Dette for å undersøke om denne typen tilrettelegging trekkjer nye besøkande til verneområdet. Vi ser dette som kunnskap med stor overføringsverdi til andre område som ønskjer ei meir aktiv besøksforvaltning. Det blir i bestillingsdialogen lagt inn søknad om ferdselsteljar for registreringar i 2015 og 2016. Ifølgje planlagt tidsskjema vil bygging starte på seinsommaren, slik at ein får telleresultat for mai-juli som er samanliknbare mellom dei to sesongane.

Dei to innfallsportane som ikkje vert valde som pilot, skal prioriterast med oppdatert informasjon om verneverdiar og ferdselsråd, i tråd med føringar i forvaltningsplanen.

ST 47/2014 Nasjonalparkstyret for Jotunheimen og Utladalen - Bestillingsdialog med Statens naturoppsyn 2015 - Søknad om tiltak

Saksprotokoll i Nasjonalparkstyret for Jotunheimen og Utladalen - 11.12.2014

Vedtak

Nasjonalparkstyret for Jotunheimen og Utladalen sluttar seg til at det vert søkt om tiltaksmidlar via elektronisk søknad til bestillingsdialogen 2015 til følgjande tiltak – jf. vedlagt forslag til tiltaksplan:

Informasjon/tilrettelegging i tråd med besøksstrategi og forvaltningsplan

- Pilot innfallsport ved Fv. 55
- Naturrettleiar
- Lokal Turapp.
Både merka ruter i verneområdet og lokale turar rundt turisthyttene.
- Informasjonstavler/skilt på utvalde plassar med mangelfull/utdatert informasjon
- Kartlegging/ferdselsregistreringar og sårbarheitsvurdering
- Fareskilt bre, Krossbu/Bøverbrean + Prestesteinsvatnet
- Infoskilt for sårbar vegetasjon + retningsskilt Gjendeosen og Galdhøpiggen
- Informasjon om steinbu Memurudalen

Vedlikehald av stinettet i Jotunheimen og Utladalen. Ulike tiltak tilpassa områda over tid

- Sikring Vettisfossen
- Ny bru over Fleskedøla – stokkbru
- Ny bru over bekk ved Morka-Koldedøla like før Vettisfossen
- enkel stokkbru
- Vedlikehald av stinettet i Jotunheimen og Utladalen. Ulike tiltak tilpassa området.
- Vintervegen mot Fannaråken

Skjøtsel:

- Slått på Skåri, Avdalen og Vetti (heimre Utladalen)
- Styrte beite på Skåri, Avdalen og Vetti (heimre Utladalen)
- Styving/rising av alm og lind. Vedlikehald av gamle og rekruttering av nye styvingstre i heimre Utladalen
- Krattrydding Guridalen
- Styrte beite ved Gjendebru (geit)
- Styrte beite ved Gjendebru (storfe)
- Kratt og skogrydding/vedlikehald Gjendebruområdet
- Storfebeiting Memurudalen

Andre tiltak

- Båt for felles bruk
- Barnas Naturoppsyn og undervisningsopplegg i Avdalen

Endeleg prioritering av tiltak blir gjort i første møte etter at tildeling av midlar er klart. Nasjonalparkstyret vurderer god besøksforvaltning som ei særleg viktig oppgåve, da dette skal gje grunnlag for bruk av verneområda som ein ressurs for lokalsamfunnet. For å kunne nytte nasjonalparkane som merkevare og trekkplaster i reiselivet, er det nødvendig at bruken skjer på ein måte som sikrar verneverdiane. Det må derfor satsast på informasjon, kanalisering av ferdsel utanom sårbare område, og restaurering og tilrettelegging i område definert som brukssoner med meir intensiv bruk.

Bestilling av tenester frå SNO:

- Brukarundersøkingar, manuell og ved bruk av teljar (eco-counter)
- Kartlegging og overvaking av rovfuglar
- Kartlegging og overvaking av fjellapollasommarfugl
- Førebuing og vedlikehald av styvingar av alm og lind
- Barnas naturoppsyn - skuleopplegg mot 7.klassar rundt verneområde

ST 48/2014 Jotunheimen nasjonalpark - Dispensasjon - Motorferdsel 2015 - Landing med helikopter på Galdhøpiggen - Bergen Styrkeløftklubb

Saksprotokoll i Nasjonalparkstyret for Jotunheimen og Utladalen - 11.12.2014

Vedtak

Nasjonalparkstyret for Jotunheimen og Utladalen avslår søknad frå Bergen Styrkeløftklubb om dispensasjon for landing med helikopter på Galdhøpiggen.

- Motorisert ferdsel i nasjonalparken er i utgangspunktet forbode – jf. verneforskrifta § 3 pkt. 6.1, og dispensasjon kan berre vurderast for tiltak heimla i verneforskrifta og til særskilde viktige formål av samfunnsmessig verdi.
- Forvaltningsplanen legg vekt på å redusere motorferdselen til eit lågast mogleg nivå, og dersom ein opnar for helikoptertransport for gjennomføring av ulike private arrangement, vil det skape uheldig presedens slik at samla belastning på området vil medføre forringing av verneverdiane – jf § 10 i naturmangfaldlova.
- Naturmangfaldlova § 48 opnar ikkje for å gje dispensasjon for aktivitetsopplegg som medfører behov for helikopter, da transporten vil vera i strid med vernevedtakets formål.

ST 49/2014 Jotunheimen nasjonalpark og Utladalen landskapsvernområde - Prinsippsak - Utplassering av båtar og oppbevaringskasser for fiskeutstyr innan verneområda

Saksprotokoll i Nasjonalparkstyret for Jotunheimen og Utladalen - 11.12.2014

Vedtak

Nasjonalparkstyret for Jotunheimen og Utladalen stiller seg positive til utnytting av fiskeressursane i verneområda. Det bør så langt det er råd leggjast til rette for felles bruk av båtar ved vatn med garnfiske, slik at ikkje alle treng å ha eigen båt.

Nye løyve kan berre gjevast for vatn/tjern med garnfiske, og løyve skal vera tidsavgrensa til 4 år om gongen. Det må søkjast om fornying innan utløp av løyveperioden.

Båtar som ikkje lenger er i bruk eller ikkje er søkt for fornya løyve, skal fjernast.

Godkjende båtar skal merkast med eigaren sitt namn, og ved utplassering skal det leverast bilete til fjellstyret og nasjonalparkforvaltninga for at ein betre skal kunne følgje opp med fjerning av det som ikkje lenger er i bruk.

Nasjonalparkstyret er skeptisk til etablering av faste installasjonar, og garnkasser må ikkje vera større enn at dei får rom under ein kvelvd båt. Eventuelle garnkasser lagrast saman med båten.

Øydelagde båtar og restar av anna utstyr skal fjernast. Kommunen kan som forureiningsstyresmakt kontaktast for hjelp til oppfølging i medhald av forureiningslova § 37 dersom eigar ikkje sjølv fjernar utrangert utstyr.

Retningslinjer for utplassering av båtar må innarbeidast i revidert forvaltningsplan.

ST 50/2014 Jotunheimen nasjonalpark - Dispensasjon - Motorferdsel - 2014 - Utplassering av båt og oppbevaringskasse for fiskegarn ved Hinnotetjønne - Kjell Kleiven - Ny behandling

Saksprotokoll i Nasjonalparkstyret for Jotunheimen og Utladalen - 11.12.2014

Vedtak

Nasjonalparkstyret behandlar søknad frå Kjell Kleiven på nytt, etter innhenting av uttaler og prinsipiell vurdering av spørsmålet om utplassering av båtar og garnkasser innan verneområda. Uttalepartane har lagt vekt på at det må vera rom for utøving av bruksrettar som fising.

Kjell Kleiven får med heimel i verneforskrifta § 3 pkt. 1.3.l) løyve til utplassering av båt og garnkasse ved Hinnotetjønne på følgjande vilkår:

- Løyvet vert gjeve for ein periode på 4 år – for åra 2015-2018
- Dersom det ikkje vert utplassert båt der til allment bruk i løpet av denne perioden, kan det søkjast om forlenging av løyvet
- Utanom bruk skal båten lagrast best mogleg skjerma
- Garnkasse skal lagrast saman med båten, og utformast slik at ho får plass under båten når den er kvelvd. Båt og utstyr skal merkast med namnet til eigaren.
- Dersom bruken opphøyrer, skal båt og garnkasse fjernast.
- Forvaltningsstyresmakta skal ha melding når båten vert utplassert, med opplysning om plassering i terrenget og bilete av båten.
- Det blir gjeve løyve til transport på vinterføre, der fjelloppsynet i Lom vil stå for transporten og samordne denne med andre ærend i området.

Dette løyvet gjeld i høve til verneforskrift.

I tillegg krevst godkjenning frå fjellstyret. Dei har i sin uttale i prinsippsak vist til at «*Eit minimum av dokumentasjon på bruk av båt og utstyr vil vera fiskekort for området*».

ST 51/2014 Jotunheimen nasjonalpark - Revisjon av arealdelen av kommuneplanen for Luster kommune - uttale til høyring

Saksprotokoll i Nasjonalparkstyret for Jotunheimen og Utladalen - 11.12.2014

Vedtak

Saka utsett.

ST 52/2014 Eventuelt

Saksprotokoll i Nasjonalparkstyret for Jotunheimen og Utladalen - 11.12.2014

Ingen saker under punktet eventuelt, men dei frammøtte understreka behov for å prioritere møta i nasjonalparkstyret.

Det vart framheva at det er viktig å få opp ein møtekalender i god tid, slik at fysiske møte kan planleggjast.

Forslag blir sett opp og sendt ut når kommunane og fylka har lagt ut sine kalendrar.

Telefonmøte og AU-møte er eit supplement som er enklare å tilpasse til andre møte.